



渭南文集卷第二

十一

車是端二良士下

山事陰陸言游

務丞觀丁著

記

仁和縣

重修先聖廟記

出入有門

聖人之道位天地

育萬物可謂大矣然常寓之於宮室

祭祀器服度數之

間非如後世佛老子廢禮棄樂掃除

名分務為玄默寂

滅浩然不可致誥也夫子生於周故

其尊以為師者文

王周公也使夫子生於今有不奉孔

子顏子孟子以為

先聖先師者乎則今之即學校以春

秋舍奠于先聖先

師有非獨甲令也方先朝學校盛

時縣有學與郡等後以海內多事縣學往往廢壞而所以奉先聖先師者亦苟而已知臨安府仁和縣事謝君庭玉獨慨然以為急務重責寢食不敢安捐已之公租錢二十萬以經始會得廢寺當沒官錢以佐其費又取吏舍以益其址自開禧元年十二月至二年正月廟乃告成最其費為錢五十萬吾夫子被袞服冕巍然當坐既悉如舊制配享從祀亦皆就列出入有門陟降有階設燎有庭三獻及受胙瘞幣皆有位儲峙祭器則又有庫是歲二月上丁將有事于廟吏言異時惟丞以下執事令以剽劇率不行謝君曰豈有是哉於是告于府肅

恭齋明以時訖事

且來告請記其始末

天子中興大

業講太平典禮方自學校始學校之設方自兩赤縣始則茲廟又學校之權輿也其可闕書三年正月戊寅太中大夫寶謨閣待制致仕渭南縣開國伯食邑八百戶賜紫金魚袋陸某記

如與美者湖州常照院記

昔在高宗受命 中興全功至德聖神武文昭仁憲孝皇帝龍興河朔克濟大業祀宋配天三十有六年涵養生齒其數無量遺弓故劍羣臣皆當追慕號泣思所以報在天之靈至千萬世無怠無斁而况山林外臣以

道藝供奉仗內嘗被異禮厚賜者乎鎮江府延慶寺僧
梵隆以異材贈學高操絕藝自結上知不由先容得
對內殿先是隆師固已結廬於湖州青山號無住精舍
一時名士如葉左丞夢得葛待制勝仲汪內翰藻陳參
政與義皆為賦詩勒銘傳于天下矣至是詔賜庵居於
萬松嶺金地山江濤湖光映帶几席壽藤老木岑蔚天
矯隆師方力辭願歸故巢既至悅其地且侈上賜幡然
願留久之示化上為悵然不懌賜金歸葬故山及
孝宗皇帝嗣位又命創常照院於無住故址以隆師第
子上首至叶嗣其事賜田以贍其徒又命充丁亥丁未

本命道場以祈兩殿之福高宗皇帝御德壽宮賜
御書寂而常照照而常寂八字以示名院本指且賜
天申金剛無量壽閣扁榜及紫檀刻佛號如來閣榜悉
御書也又一再賜萬機暇日所臨晉王羲之帖二十二
紙唐陸柬之蘭亭詩一卷及米芾史略帖一卷題團扇
二柄又賜白金助建立於是院悉崇成有釋迦文殊普
賢十二阿羅漢殿左則觀音大士道場右則法輪藏室
食息有堂鍾經有樓熏浴炊爨儲積各有其所捷推鼓
鍾器亦備足至於遊息臨眺種藝疏鑿莫不極思致區
處之妙而西巖尤為勝絕曠快之地叶師以老疾請罷

院事屏居西巖今皇帝詔從之且命改院為禪院專以
仰薦高宗神遊世擇其徒有道行者嗣住持事而本澄
首被是選實嘉泰四年甲子歲之四月也叶師乃來告
曰願有述焉其實紹興朝士歷事四朝三備史官名
列策府諸儒之右則與隆師及其子孫雖道俗迹異而
被遇則同今叶澄父子晨香夜燈梵唄禪定雖世外枯
槁亦有以伸其圖報萬一之意某則不然飽食而安居
日復一日飾巾待終而已視叶澄豈不有媿哉故遂秉
筆而不敢辭上以紀三朝眷遇山林學道者之盛德下
以識某媿云開禧三年二月壬子謹記

法慈懺殿記

東出慶元府五十里曰小溪有僧舍曰法慈院院創於
唐咸通中舊號鳳山院歷五季至宋興院常不廢治平
二年始賜今名雖世以院僧士之然其徒多出遊四方
學經論問祖師第一義或終其身不歸淳熙十四年老
宿及後來者始議作懺殿而如戒等十輩願盡力營之
久而不成十人或死或緣不偶獨戒智玻行慈誓不怠
廢必遂其始願行乞勞苦積細微以成高大於是施者
墻立者麇至聞者興歎見者起敬木章竹箇山積雲
委伐石於山陶甃於甃丹漆黝堊致於四方以紹熙壬

子三月癸酉始土工明年八月庚申始匠事十一月土
木皆告成南北八丈六尺東西五丈八尺而棟之高四
丈一尺耽耽奕奕窮極藝巧雖慶元多名山巨剎然懺
堂之盛未有加法慈者奉釋迦于東而左則彌勒右則
無量壽又以天地鬼神之像陪擁四旁於庠亦盛矣院
僧因餘姚普明院僧則華求寸為記則華嘗遊蜀予識
之於成都今三十餘年以故售不忍拒也乃為之書而
刻施者姓名於碑陰云

東陽陳君義莊記

東陽進士陳君德高因吾友人呂君友德來告曰德高

不幸早失先人舉進士又輟斥念昔先人進德高華於
學蓋將使之事君使之字民以廣我先人之志今雖自
力而不合於有司之繩尺如其遂負所期望付託生何
啻以奉祭享死何弊以見吾親於地下不獲施於仕進
為時雨為豐年矣獨不可退而施於宗族乎於是欲為
義莊略用范文正公之矩度而稍增損之以適時變敢
求於執事者且載其凡於碑陰予復之曰美哉吾子之
志也人之情於其宗族遠則疏之彌遠則益疏而至於
忘之蓋以身為親疏而不以先人為親疏也視兄之子
已或不若已之子己之子與兄之子自吾父視之有異

乎能以父之心為心則已之子與兄之子且不知其同
異矣推而上之大父之孫為從父兄弟曾大父之曾孫
為從祖兄弟又推而上之至於無服雖天下長者不能
無親踈之殺矣於虐制服不得不若是也若推上世之
心愛其子孫欲使之衣食給足婚嫁以時欲使之為士
而不欲使之流為工商降為皂隸去為浮圖老子之徒
則一也死而有知豈以遠而忘之哉義莊之設蓋基於
是然舉天下言之能為是者有幾非以為不美而不為
也力不足也若陳君者自其先人勤勞節約以致饒餘
而陳君不敢私有之其地在滕頭昭福寺之傍初期以

千畝今及十之七而吾地在滕頭者止此比鄰感其義
皆欲期年間貿易以成之又祖桑畜牛築陂以豐衣食
之源其詳見碑陰又有最當慮者吾子之心則盡矣後
人或貪其專利或嗇而吝出或夸而廣費或挾長挾仕
挾有力之助而敗約非有司者別白之則莊且壞不支
府牧邑長丞掾曹吏及鄉人鄉大夫先生處士其必綱
維主張之使久而如一日陳氏布衣也其資產非能絕
出一鄉之上而義倡於鄉如此吾徒仕于朝干四方
雖未必皆厚祿然聞陳氏之風而不知媿且慕者豈人
情也哉於是併書以遺焉君之先君子蓋諱士澄字彥

清云開禧三年七月辛丑記

廬帥田侯生祠記

開禧二年八月詔以開封田侯琳為淮南西路安撫使兼知廬州節制准西軍馬時虜方入塞侯既受命謂廬州為淮西根本而古城又為川之襟要堅守廬州則淮西有太山之成將斷橋梁燒賊艦絕其餽道奪俘虜復取安豐軍又遣萬騎由梁縣援和州會和州亦堅壁虜窮乃盡遯侯又出兵濠州以戰車敗虜屯兵戰車久不用侯以意為之果取勝策勲具拜達州刺史且以車制頒之諸軍侯猶不敢自以為功方脩水門之備濬河深

二丈乃得昔人撒星椿橫亘而城間始知昔固有此舉遂益植新椿而城之其崇五丈有奇樓櫓稱焉將吏士民聚而謀曰侯之所立如此郡人無以報萬一則不可相與築生祠於城中而移書於予請書歲月予以表疾辭比書復來則侯捐館舍矣請記益堅予亦痛若人之不淑而不獲卒大勲業也故采之僉論以叙其始末昔劉滄城水洛趙立城山陽滄所遇非堅敵立雖死事而不能全其城猶皆廟食載在祀典况如侯之功光明卓絕如此則祀典之請必有任其事者尚繼書之以垂示後世為忠義之勸云嘉定元年春二月己巳謹記

天下之事有合於理而可為者有雖合於理而不可得為之者士於可為者不可不力力不足則合朋友鄉閭之力而為之又不足告於在仕者以卒成之成矣又慮其壞則吾有子子又有孫孫又有子雖數十百世吾之志猶在也豈不賢哉教不可得為之者則有命焉有義焉不知命義徒歎歎紛紛奚益故君子不為也然為此者寡也或易之為彼者輒可以得名於流俗故士之為此者寡也吾友南城吳君伸與其弟倫初以淳熙之詔建社倉其詳見於侍講朱公元晦所為記其後又以

錢百萬勅為大樓儲書數千卷會友朋教子弟其意甚美於是朱公又為大書書樓二字以揭之樓之下曰讀書堂堂之前又為小閣閣之下曰和豐堂旁復有二小閣左則象山陸公子靜書其顏曰南牕右則艮齋謝公昌國書其顏牕堂之後榮木軒則又朱子實書之於序亦可謂盛矣蓋吳君未命之士爾為社倉以惠其鄉為書樓以善其家皆其力之所及自是推而上之力可以及一邑一郡一道以至謀謨于朝者皆如吳君自力而不媿則民殷俗媿兵寢刑厝如唐虞三代可積而至也吳君兄弟為是迄今已十五六年使皆壽考康寧則倉

與樓皆當益治鄉之民生業愈給足安樂日趨於壽富而君之子弟孝悌忠信亦皆足以化民善俗是可坐而俟也然年遠而往天人之際有不可常者則又當有以垂訓於無窮予讀唐李衛公文饒平泉山居記有曰鬻平泉者非吾子孫也以平泉一木一石與人者非佳子弟也平泉特燕遊地木石之怪奇者亦奚足道而其言且如此况義倉與書樓乎後之人讀吾記至此將有渙然汗出霰然涕下者雖百世之後常如吳君時有不難者矣七加定元年五月甲子日記

靈祕院營造記

出會稽城西門舟行二十五里曰柯橋靈祕院自紹興中僧海淨大師智性築屋設供以待遊僧名接待院久而寢成始徙廢寺故額名之海淨年九十坐八十八夏而終以其法孫德恭領院事恭少嘗學于四方有器局迨二十年食不過一簞衣不加一稱而惟衆事是力夕思晝營心揆手畫施者自至魔事不作用能於二十年間或改作或增葺光明偉麗毫髮無憾上承先師遺志下為子孫基業閱堂傑閣房奧廊序棲鍾之樓櫝經之堂館客之次下至庖厨涵浴無一不備為屋僅百間自門而出直視旁覽道路繩直而原野砥平一遠山在前

孤峭奇秀常有煙雲映帶其旁下地者以為在法百世
不廢且將出名僧今院繞一傳其興如此後烏可量哉
院之崇成也恭來請記曰先師之塔公實與之銘今院
當有記非公誰宜為哉予報之曰予廬於此凡東之會
稽四明與西入臨安者風颿日相屬也彼其得志於仕
官獲利於商賈者寧可計耶有能家世相繼支久不壞
如若之為父子者乎有能容衆聚族燮和安樂如若之
處兄弟者乎至於度地築室以奢麗相誇斤斧之聲未
停丹堊之飾未乾而盛衰之變已遽至矣亦有如若之
安居奠處子傳之孫孫又傳之子者乎此夫他彼其初

與若異也雖曰有天數然人事常參焉人事不盡而談
之數於虜其可哉嘉定元年夏五月庚申記

夏六月 橋南書院記

吾友西安徐載叔豪雋人也博學善屬文所從皆知名
士方其少壯時視功名富貴猶券內物一第直澆我爾
然出遊三十年蹭蹬不偶異時知己零落且盡家貲本
不薄載叔常糞壤視之權一仰俯筭籌衡縱一切不能
知惟日夜從事於塵編蠹簡中至食不足不問也中年
卜居城中號南書院地僻而境勝屋庫而人傑清流美
竹秀木芳草可玩而樂者不一而足載叔高卧其中裾

不曳刺不書客之來者日益衆行者交跡乘者結轍訶
殿者籠坊陌雖公侯達官之門不能過也名不可妄得
客不可強致載叔蓋有以得此於人矣乃者數遺書於
予請記所謂橋南書院者嗟乎漢梁伯鸞入吳貨舂於
臯伯通廡下至今吳有臯橋蓋以伯鸞所寓得名載叔
之賢不減伯鸞而橋南乃其居則後世不蕪沒矣矣尚
何待記然載叔之請不可終拒也乃為之書嘉定元年
夏六月庚寅山陰陸某務觀記

心遠堂記

大卿朱公以開禧元年築第于昭武城東取陶淵明詩

語名其堂曰心遠既成與士大夫落之而以書來告曰
子為我記始嘉泰壬戌予蒙 恩召為史官朱公丞祕
書日相從甚樂公去為御史予領監事閒劇異趣會見
甚疏然每與同舍焚香煮茶於圖書鍾鼎之間時時言
及公未嘗不相 興懷絕歎也明年 國史奏其御之
明日予乞骸骨而歸俄而公亦自寺卿得請外補不復
相聞者累歲比書來予方卧病作而言曰朱公真可人
哉士得時遇主施其才於國退居閭里間暇之日為多
樽俎在前琴奕迭進欣然自得悠然遐想問餽宴樂以
修舊夙宿之好講解誦說以垂後進無窮之訓進退兩

得可謂賢矣予獨相望累千里不得持一觴為公壽且慶斯堂之成願方以為歎今乃得以不腆之文自托於後世亦可謂幸矣夫嘉定元年秋七月甲子記

萬卷樓記

學必本於書一卷之書初視之若甚約也是相替本末精粗相為發明其所關涉已一編一簡有脫遺失次者非考之於化書則所承誤而不知同字而異詁同辭而異義書有隸古音有楚夏非博極郡書殆不可遽通此學者所以貴夫博也自先秦兩漢訖于唐五代以來更歷大亂書之存者既寡學者

於其僅存之中又莽鹵焉以自便其怠惰博之溺心也豈不陋哉故善學者通一經而足藏書者

雖盈萬卷猶有憾焉而近世淺士乃謂哉吉如闢草徒

以多寡相為勝負何益於學嗚呼審如是說則秦之焚

乃有功於學者矣昭武朱公敬之粹於學而薦於行早

自三館為御史為寺卿出典名藩尊所聞行所知亦無

負於為儒矣然每悒然自以為歉益務藏書以棲於架

藏於櫝為未足又築樓於第中以示尊閣傳後之意而

移書屬予記之予聞故時藏書如韓魏公萬籍堂歐陽

充公六一堂司馬溫公讀書堂皆實萬卷然未能絕過

諸家也其最擅名者曰宋宣獻李邯鄲呂汲公王仲至
或承平時已喪或遇亂散軼士大夫所共歎也朱公齒
髮尚壯方為世顯用且澹然無財利聲色之奉儻網羅
不倦萬卷豈足道哉予聞是樓南則道人三峰北則石
鼓山東南則白渚山煙嵐雲岫洲渚林薄更相映發朝
暮萬態公不以登覽之勝名之而獨以藏書見志記亦
詳於此略於彼者蓋朱公本志也嘉定元年秋七月甲
子記

渭南文集卷第二十一

山陰 陸游 務觀 著

渭南文集卷第二十二

梅子真泉銘

距會稽城東北七里有山曰梅山山之麓有泉曰子真
泉遊者或疑焉智者及道人求笠澤漁父為之銘銘曰
梅公之去漢猶鷓夷子之去越也變姓名棄妻子舟車
所通何所不闕彼吳市門人偶傳之而作史者因著其
說儻信吳市而疑斯山不幾乎執一而廢百梅公之去
如懷安於一方則是以頸血丹奔之斧鉞也山麓之泉

甘寒澄澈珠琲玉雪與子排相酌泉飲之亦足以盡公之高而歎其決也

司馬溫公布被銘

公孫丞相布被人曰詐司馬丞相亦布被人曰儉布被可能也使人曰儉不曰詐不能也

此銘予二十歲時作今博以爲秦少非也

金崖硯銘

我遊三硤得硯南浦西窮梁益東掠吳楚揮灑淋漓鬼神風雨百世之下莫予敢侮

延平硯銘

延平雙龍去無迹收斂光氣鍾之石聲如浮磬色蒼璧

子文日表愧匪敵

蠻谿硯銘

斯石也出於漢嘉之蠻谿蓋夷人佩刀之礪也琢於山陰之鏡湖則放翁筆墨之瑞也質如玉文如穀則黥龍尾之群從而溜韞玉之仲季也

錢侍郎海山硯銘

雲濤三山飾此怪珍誰其實之天子侍臣煌煌繡衣福我遠民一字落紙活億萬人勿謂黑小車重千鈞從公遄歸四海皆春

素澤御磚硯銘

素澤御磚硯銘

古名硯以瓦今名硯以甌瓦以利於用甌以全其天甌
乎甌乎寧用之鈍而保其全乎尚無媿之日陳於前放翁
銘宋易澤 日 老 李 庵 書

崔伯易畫像贊

崔公名公度字伯易高郵人劉相沆舉賢良方正不赴
以任為三班差使韓魏公薦之詔易文資為國子監直
講亦辭元祐中再召為郎又皆固辭補外郎諸公力白
于朝強起為國子司業訖不肯復出為郡以起居郎祕
書少監召亦不肯起紹聖中復以為祕書少監辭如初

遂請宮觀尋致仕予喜其白首一節乃求畫像於高郵
而為贊曰

古之君子 學以己 可行則行 可止則止
仕以行義 止以遠恥 世 衰道微 豈復知此
虫虫始學 青紫思拾 萬 馬並馳 孰能獨立
始雖弗急 後亦汲汲 我 思崔公 涕泗橫集

東坡像贊

我遊鈞天帝之所都是老先生玉色敷腴顧我而歎閔
世垢濁人謂侍僊昇以靈藥稽首徑歸萬里天風碧山
巉然月墮江空

王仲信畫水不費

亡友王仲信為予作水石一壑仲信下世二十年乃為之贊恨仲信之不及見也其詞曰導江三硤神禹之蹟王子寫之洶洶撼壁後三十年塵暗苔蝕澹墨色之欲盡尚觀者之慘慄或曰是學蜀兩孫者非耶放翁曰吾但見其有歐陽信本柳誠懸之筆力也

鍾離真人贊

五季之亂方酣于兵叱嗟風雲卓乎人英功雖不成氣則莫奪煌煌金丹批糠陶葛

呂真人贊二

一粒之粟有國有民二升之釜浩渺嶙峋我遊巴陵始識公面青蛇鏗然求之不見

又

天下家家畫呂公衣冠顏鬢了無同勸君莫被丹青誤那有長繩可繫風

僧師源畫觀音贊

三世如來同一闍大士亦作補陀夢佛子無財可修供尺紙寸毫俱妙用寶纓天冠儼四衆長年造極筆愈縱唯師魯公為作頌十方世界俱震動

宏智禪師真贊

死諸葛走生仲達死姚崇賣生張說看渠臨了一着子
諸方倒退三千里

大慧禪師真贊

平生嫌遮老子說法口巴巴地若是靈利阿師參取畫
底妙喜為昭覺文老作

卮庵禪師真贊為處良長老作

灑灑落落五十年一句不說祖師妙喜堂中正法眼
等閑滅在瞎驢邊

塗毒策禪師真贊二

骨相瓌奇風神蕭散貌肅而和語直而簡畫得者英氣

逼人畫不得者頂門上一隻眼畫風雨

又

塗毒不自讚留待三山老試問卿上人讚好莫讚好海
中忽起劍初風北丰柄折須彌倒

佛照禪師真贊

名動三朝話行四海撒手歸來雲山不改人言大覺
同龕師云老僧掩彩

大洪禪師贊

髮長無心剃衣破無心補大洪山上有賊大洪山下有
虎非但白刃殺盡兒孫更能一言吞却佛祖

中巖園老像贊

我遊中巖拜師于床巍巍堂堂風舉龍驤公住無為訪
我成都雄辯縱橫玉色敷腴別木十日梁木告摧我如
飛蓬萬里南來孰謂窮山乃瞻儀形墻壁說法况此丹
青

奉聖淳山主年八十有四放翁為作真贊

兩位名山一老禪目光如電照人天行藏不用占著草
卦氣全未二十年三山太

芋庵宗慧禪師真贊

煨懶殘芋打塗毒鼓舌本雷霆毫端風雨

廣慧法師贊

水土震旦西方極樂一網草鞋到處行脚

敷淨人求僧贊

光難頭淨洗鉢頭頭拈起頭頭活有時與有時奪受用
現前活皃皃敷道者一短褐欠箇什麼更惡惡水潑將
錯就錯也不妨只在檀那輕手撥道敷淨人求佛陀見施
主未買度牒為說此教

語嘉泰辛酉四月十日放翁書

錢道人贊

拚欄冠青芒屨上天下天不賙鶴喚作神仙渠不肯道
是凡人我又錯會稽城中且膏藥

夫六人亦放翁自贊四

遺物以貴吾身棄智以全吾真劍外江南飄然幅巾野

鶴駕九天之風澗松傲萬木之春或以為跌宕湖海之

士或以為枯槁隴畝之民二之論雖不同而不我知則

均也淳熙庚子務觀自贊時在臨川年五十六

名動高皇語觸秦檜身老空山文傳海外五十年間

死盡流輩老子無才山僧不會

皮葛其衣葉宛其居烹不糝之黎羹駕秃尾之蹇馱聞

雞而起和寧戚之牛歌戴星而耕則稽泥勝之農書謂

之瘁則若腴謂之澤則若癯雖不能草泥金之檢以紀

治功其亦可扶兔園之用以教鄉閭者乎周彥文令畫

真且來未贊時年八十一

四

進無以顯於時退不能隱於酒事刀筆不如小吏把鋤

犁不如健婦或問陳子何取而肖其貌曰是翁也腹容

王導輩數百膏吞雲夢者八九也陳子命畫工為時

開禧丁卯年八十三

記事

記太子親王尹京故事

隋齊王暕尹河南唐秦公世民尹京兆衛王重俊為洛州牧皆親王尹京故事然尚未甚以為重後唐秦王從榮以長子為河南尹又為天下兵馬大元帥故當時遂以尹京為儲貳之任至晉天福中鄭王重貴周廣順中晉王榮皆尹開封用秦王故事也 國朝 太祖皇帝建隆一年七月以 太宗皇帝為開封尹開寶末太宗嗣位終八月即以齊美為開封尹後封太平興國七年秦王出為西京留守自是開封不置尹止命近臣權知府而已權知府自李符始 雍熙二年始以陳王元僖為開

封尹蓋是時 太宗元子楚王元佐被疾廢則陳王亦儲君也淳化三年薨後二年 真宗皇帝自襄王為開封尹後封至道元年正東宮議者謂尹有品秩非太子所宜兼領乃改判府事自後唐以來雖以尹京陰為儲副之位然皆藩以太子判京府則自至道始也故事開封尹之上有牧雖具員而初未嘗置 國朝惟親王乃除尹餘但為權知府事自 太祖至 徽宗八朝百七十年未嘗改蔡京為相始建議置尹尹非獨故事須親王乃除又 太宗 真宗潛藩所領人臣所宜避天下皆罪京之不學其後宣和末 欽宗皇帝自東宮為開

封牧是時已有尹尹之上惟有牧故以命之然牧故事
序位在太子少保之下御史大夫六曹尚書之上亦非
太子所宜兼蓋有司失考至道判府之制也尹之下故
事有少尹位在少府將作少監之下太子少詹事之上
後唐秦王時嘗以劉陟為之而建隆以來率不置惟置
判官推官各一員或二員通掌府事並以常參官充親
王為尹則判官以給諫充太大推官差降焉真
宗為尹時判官二員推官三員蓋特置也或問非太宗
以來尹京則謂之南衙何也曰開封府治所本在正陽
門南街東然太宗為尹乃就晉邸視事晉邸又在太

內及府治之南故曰南衙亦曰南宮秦王許王因之及
真宗為尹太宗以秦王許王皆不利始命還就府治


渭南文集卷第二十三

山陰陸游之務觀著

傳

姚平仲小傳

姚平仲字希晏世為西陲大將幼孤從父古養為子年十八與夏人戰滅底河斬獲其衆賊莫能枝梧宣撫使童貫召與語平仲負氣不少屈貫不悅抑其賞然關中豪傑皆推之號小太尉睦州盜起徽宗遣貫討賊貫雖惡平仲心服其沉勇復取以行及賊平平仲功冠軍乃見貫曰平仲不願得賞願一見上耳貫愈忌之他將



王淵劉光世皆得召見平仲獨不與。欽宗在東宮知其名及即位金人入寇都城受圍平仲適在京師得召對福寧殿厚賜金帛許以殊賞於是平仲請出死士斫營擒虜帥以獻及出連破兩寨而虜已夜徙去平仲功不成遂乘青驪亡命一晝夜馳七百五十里抵鄧州始得食入武關至長安欲隱華山顧以為淺奔蜀至青城山上清宮人莫識也留一日復入大面山行二百七十里餘里度采藥者莫能至乃解縱所乘驪得石穴以居朝廷數下詔物色求之弗得也乾道淳熙之間始出至丈人觀道院自言如此時年八十餘紫髯鬢然長數尺面

奕奕有先行不擇崖塹荆棘具速若奔馬亦時為人作草書頗奇偉然秘不言得道之由云

族叔父元燾傳

族叔父元燾名宥一字居安自山陰徙家餘姚性恭謹純厚閉門力學不妄與人交尤好樂律每言樂所以成人才今世所用皆胡部雖鄭衛亦不得聞况韶濩乎因考按古關雎鹿鳴諸詩抑揚皆合音律時時自歌之中正簡古聞者興起欲上書請用之鄉飲酒會疾病不果所居瀕江一室蕭然數十年間几席書冊琴樽之屬皆未嘗易好飲酒然不肯自釀或餽以家所醞亦辭不取

曰法不可也其謹如此有子洙登進士第為鹽官尉迎
養官舍期年洙卒元燾護其喪歸亦能自釋父之以疾
卒年七十與元燾同時有鄭從革者名鼎之丹徒人自
三舍法行已在鄉校能自刻苦口誦手鈔日常無數人
然試有司輒黜從革亦不以黜故少怠終始如一日事
父篤孝建炎中客山陰遇寇從革欲奉父避之父不聽
從革乃束帶立牀前鬻糜粥奉湯液悉如平時寇至則
迎門拜泣曰父老不能去惟哀憐之寇為感動乃署其
門使其屬勿犯終亂定父子俱得全年六十餘貧益苦
比卒衣食不能具一鄉皆推其賢去矣

陳氏老傳

會稽五雲鄉陳氏老年近八十生三子有孫數人皆業
農惟力耕致給足凡兼并之事抵質賈販以取贏者一
切不為耕桑之外惟漁樵畜牧而已子孫但略使識字
不許讀書為士婚姻悉取農家非其類皆拒不與通室
廬不妄增一椽器用皆朴質堅壯不加漆飾衣惟布襦
帚取適寒暑之宜行之四五十年如一日子孫亦皆化
之無違陳氏所居在剡澇山下地名曰南溪云

陸子曰予嘗悲士之仕者若苟名位而已則為負國必
無負焉則危身害家憂其父母有所不免耕稼之業一

捨而去之復其故甚難予先世本魯墟農家自祥符間
去而仕今且二百年窮通顯晦所不論竟無一人得歸
故業者室廬桑麻果樹溝池之屬悉已蕪沒族黨散徙
四方蓋有不知所之者過魯墟未嘗不太息興懷至於
流涕也聞陳氏事因為述其梗槩傳之庶觀者有感焉
不情青詞
紹興府衆會黃籙青詞
上帝福善禍淫雖各繇於類應大道回骸起死或俯徇
於哀祈敢露忱詞仰干聰鑒伏念臣等所居紹興府地
連三輔人雜五方任職居官當閭閻之太半鮮衣美食

昧稼穡之所從習俗莫遜神明積譴方凶饑之荐至加
疫癘之相乘疾痛呻吟禾及三醫之謁君蒿凄愴已恣
萬鬼之鄰念升濟之無方敢號呼而有請伏望少回洪
造一洗衆辜逝者脫泉路之冥冥生者安王民之皞皞
天職生覆地職形載敢忘夙夜之歸冬無愆陽夏無伏
陰永冀生成之賜

江西祈雨青詞

天惟至仁久寬水旱之譴吏實有罪仰累陰陽之和既
閔雨之歷時敢叩閭而請命伏念臣濫膺上指使近
畿深惟冥頑固陋之資莫副惻祖丁寧之訓徒積勤於

夙夜莫無負於幽明然而風來不足以龍服豪強惠愛
不足以撫綏鰥寡政媮竭日田疇曠��澤之修訟積淹
時囹圄困折揚之繁務均力役而或蔽於所見思廣賑
恤而或緣以爲姦既莫致於善祥懼卒罹於饑饉是用
誣辰之吉稽首以陳伏望推善貸之慈霈曲成之惠雖
有司曠職宜伏雷霆之誅然比屋何辜流爲溝壑之瘠
若復未回於洪造遂將絕望於有秋敢殫皇皇哀迫之
誠冒貢悵悵吁嗟之禱庶格九霄之澤少紓一道之憂
稼穡順成儻僅蒙於中熟里閭疾苦誓靡壅於上聞

謝雨青詞

旱大甚以是虞不遑啓虔天蓋高而可叩思罄精誠方
祇校於齋場已亟霑於膏澤尚懼豐凶之未決敢忘祈
報之交修仰企叢霄少回冲馭伏願哀黎民之匱食宥
衆吏之瘵官申救有神更終大惠一穀不升謂嘆豈脉
夙夜之憂三日以往爲霖實賴乾坤之造

嚴州祈雨青詞

歲律肇新農功伊始居者慮陰淫陽伏之寇耕者懷旱
乾水溢之虞仰惟上穹職是元化俯遂群黎之育式均
六氣之平敢即熙壇恭陳薦薦所冀歲豐民樂寬九重
宵旰之憂賦足刑清遠衆吏簡書之責敢忘惕勵仰對

生成之長歎又所歎哉
六康之平謝雨青詞亦
天九關之在上精誠可以徹聞雨三日而成霖枯槁爲
之盡起恭陳薄薦冒貢丹衷伏念臣領此偏州迄今累
月上無以布宣寬大而運屯膏之咎下不能撫摩凋瘵
而格解澤之施跼蹐靡逞吁嗟上訴敢謂叢霄之應曾
無挾日之淹月離畢以示期山出雲而効職風霆下繫
澗壑交流井汲如初家享一瓢之樂粟儲可繼士寬半
菽之憂商旅通行道途鼓舞彼有遺秉此有滯穗方將
均惠於惇嫠冬無愆陽夏無伏陰更冀默消於疾癘敢

忘兢惕仰對生成

保安青詞

道垂光而下濟罔不興慈情至敬則無文惟當直訴伏
念臣少多罪垢晚乏功能寓形寫迫於九齡定著遂階
於四品先世被追榮之典已冠三孤諸兒荷延賞之恩
例霑寸祿首坐滿盈之久自挺災釁之來時涉夏秋疾
生經絡有藥必試靡神不祈呻吟之聲晨暮不絕惟歸
誠於洪造或少逭於往愆么然微衷亟以自列伏望曲
回聰聽俯佑殘軀俾毫及之餘生獲奠居於故社耕桑
安樂父子團樂天實無私敢汲汲希望外之福人誰不

死願熙熙頌數盡之期

四疏

天申節樞密院開啓道場疏

得道者上為皇啓帝圖之廣大有德者得其壽當化日之舒長率籲衆情虔伸善祝光光堯壽聖太上皇帝伏願三靈介祉九廟儲休無黃屋之心雖退藏於淵默如南山之壽莫茂對於天祺

蒲散道場疏

惟天其申命用休誕御無疆之歷十有德者必得其壽共翰歸美之誠敢叩梵宮仰申善頌光光壽聖太上皇帝

陛下伏願願神物外布澤寰中福祿萬年丕介麗鴻之秘本支百世永奉詒燕之謀

天申節功德疏

得吾道而上為皇筭自茲於箕翼有天下而傳之子福方寢於華夷敢因震夙之期申致延鴻之祝恭惟光光壽聖太上皇帝陛下聰明時憲清淨無為黃屋非心共仰堯之大玉卮為壽益瞻漢殿之尊光光壽聖太上皇帝恭願茂對昌辰丕承景貺以聖傳聖增光奕世之休為天中天永享萬方之奉

天

得道上為皇誕受泰元之冊重華以於帝光臨孝治之
朝敢殫向日之誠仰祝後天之筭若守號陛下恭願又新
湯德丕顯文謨日舒以長燕喜益探於衆妙道冲而用
陰功廣被於群生

瑞慶節功德疏之

有開必先天地肇開於景運無遠弗屆華夷畢效於貢
珍矧備邇聯敢稽壽祝 皇帝陛下伏願誕膺哉穀端
拱穆清以八千歲而為春永御舒長之景卜七百年而
過曆用符愛戴之誠

二

誕彌厥月丕昭震夙之期長發其祥共致雁鴻之祝
皇帝陛下恭願後天難老如日正中紹 十二聖之睿
慕開三百年之景運金泥玉檢肇修稀闕之儀稽矢石
絜永享貢輸之盛

三

叨榮禁路千齡獲遇於聖明歸老故山一飯敢忘於君
父敬修梵供仰祝堯年 皇帝陛下恭願光照大千壽
踰時萬繼統燕無為之治銜邦躋有道之長上際下蟠
永享化國舒長之日東封西祀嗣修太平稀闕之儀

四

節紀千秋實踵開元之盛神呼萬歲游膺嵩嶽之祥願
雖遯迹於立園敢怠馳誠於軒陛皇帝陛下伏願道極
高而蟠厚治咸五而登三碣石河源盡後與圖之舊泰
山梁甫嗣修檢玉之儀

五

惟皇之極欣逢熙洽之辰於萬斯年共效扈鴻之祝敢
趨淨域荐控丹衷 皇帝陛下伏願先叶帝心誕膺神
筴化東漸而西被功上際而下蟠降德於衆兆民生致
唐虞之治上瑞至千百所永符箕翼之祥

六

聖恩念舊猶叨四品之崇景運開先敢後萬年之祝
皇帝陛下恭願當宁撫盈成之業垂衣紹積累之休期
易南訛縣鋤耨於率土東漸西被會玉帛於中朝

七

恩霑遺老幸聯上雍之班身遇明時敢後祝堯之請
皇帝陛下恭願乾瑞廣大日較正中髦蠻奉九譯之琛
農扈告三登之候應帝皇之運故聰明睿智足以有臨
集天地之祥皆筭數譬喻所不能及

析雨疏

九秋伊始百穀將登念零雨之稍愆率群情而致禱仰

惟慈蔭曲鑒丹誠三日為霖
新慰雲霓之望大田多價
上寬宵旰之憂

謝雨疏

諸佛願心本常存於澤物
衆生業果或自召於凶年
民愚無良吏情不職駭驕陽
之作害閔零雨之弗時內整
寸誠方吁嗟而遍禱起瞻四野
已枯槁之一蘇自惟莫格於太和
乃至上勤於慧力敢忘祇報用答鴻慈

道官謝雨疏

上帝至仁本不忘於澤物
下民胡罪幾坐致於凶年由
官吏之情偷致政刑之疵
癘驕陽作害零雨弗時內啓

寸誠方吁嗟而仰禱起瞻四野
已枯槁之一蘇自惟莫格於太和
乃至輒干於海造敢忘祇報用答好生

嚴州祈雨疏

倬彼雲漢尚愆霖雨之期
害於梁盛俯劇洲冰之懼
敢輸丹悃仰叩真慈冀占離畢之祥
少逭屯膏之咎

二

時雨少愆上勞宵旰詔音亟下
恭致禱祈敢冀真慈誕敷惠澤

三

龜占墨而尚遠凜有屯膏之懼
龍蟠泥而未舉方繫解

澤之施冀軫馮慈寺云曲成樂歲俯慰闔境雲霓之望

上寬淵衷宵旰之憂

嚴州施大斛疏

旱魃為虐念莫釋於衆憂飯香普熏敢恭陳於淨供伏願雲從龍而效職月離畢以告祥解澤亟行屯膏一洗如來施無量食既靡間於聖凡史臣書大有年庶上寬於宵旰

嚴州謝雨疏

時雨愆期方軫焦勞之慮天心從欲遽蒙霽澤之施敢擇良辰敬伸昭報

嚴州謝雪疏

萬邦婁豐幸際中天之熙運平地尺雪鬱為嗣歲之嘉祥敢忘薄薦之陳少謝叢霄之貺尚祈洪造益介純禧

佛寺云敢忘淨供之修少謝覺慈之貺尚祈垂佑益介純禧

嚴州久雪祈晴疏

時雪屢應已占嗣歲之登春氣未和寧免祈寒之怨敢趨秘宇仰叩真慈冀日麗於層霄俾民安於比屋上寬旰食俯慰輿情


渭南文集卷第二十三

和分府吳興

武德中時中

百得月走余

五寶



一東及魏世所前之類尚不其意盡介錄蘇

茂味書畫上辛

十文之則



